



Danki na UNOCA

Tayer ta cla pa cuminsa



ORANJESTAD- Temporada di Carnaval ta den full swing y ta temporada tambe pa start cu un serie di tayer nan dun a di e musiconan profesional Franklin Giel y Anthony T.C. Vrolijk ariba e ritmo di Brassband cu accento ariba e Brass. Franklin Giel ta un trombonista actualmente pa e orkesta di Robert & su Solo Banda Show y den pasado a yega di limita den Musical Time y T.C and the Playboys na Hulanda. Tambe Franklin Giel a toca cu Aruban Brassband na Hulanda caminda el a mira e ritmo di Brassband crece enormemente tocando den Festival nan grandi na Hulanda, Belgica, Francia y Italia. Franklin no por para keto y mira con e ritmo di Brassband a keda na Aruba caminda el a naci y awendia brassband nan na Hulanda ta asina popular caminda aworaki e brassband nan ta consisti no solamente di Aubiano pero Curasoleño y Hulan- des nan Europeo, Surnameño, Latinonan entro otro tambe ta forma parti di dje. Di con brassband. Wel e sistema cu nos ta toca brassband a cuminsa na San Nicolas y hopi biaha bo ta toca melodiano facil pero ta pega hopi cu ta pone tur hende baila. E

musica di Brassband ta den decadencia na Aruba y mes- ter ayudo pronto di tur ex- tocado di Brassband pa mo- tiva e muchanan awendia pa motiva nan y bin bek cu algo cu a naci aki na Aruba. An- tes Aruba tawatin como 12 Brassband nan ey y mayo- ria di nan cu nan seccion di Brass. Aruba a conoce un generacion grandi di blaas do nan cu a yega di toca den banda nan grandi aki na Aruba y Internacional cu a Sali ta tocando den Brassband. Pa un mucha e ta hopi impor- tante paso e ritmo di Brass- band ta pegahoso y lo dun'e animo pa sigui den musica y cu den futuro e lo por bira un musico profesional. Door di esaki tambe Franklin Giel a acerca Unoca caminda a bay di Brassband pa e muchanan akinan na Aruba. E dianan di e tayerman ta lo siguiente: Januari 27 y Januari 28 na YMCA San Nicolas. Februari 3 y Februari 4 na YMCA Da- kota. Februari 10 na Centro di Bario Lago Height, Feb- ruari 11 na Centro di Bario Brazil y e ultimo tayer lo ta dia 17 di Februari na YMCA San Nicolas. Tur tayer lo wordo duna di 5or pa 7or di atardi. Un di e oradornan

durante e tayerman aki tambe lo bin specialmente for di Hulanda cu ta e Tromboni- sta, Cantante, Compositor y Areglista cu ta Anthony T.C Vrolijk cu a yuda desaroya e Brassband School na Hulan- da y tambe ta organizado di Battle of the Drums na Rot- terdam. Un evento masha grandi mes. T.C ta un musi- co cu a toca den full Europa cu Orquesta y Brassband y

su experiencia sigur lo ta hopi importante pa e hobennan cu lo bin e tayer. E tawata fun- dado tambe di su orkesta cu a toca gran parti na Europa cu tawata T.C and the Playboys. Otro musiconan cu lo ta parti di e tayerman aki ta: Eugene Jones Drummer di Robert & su Solo Banda Show; Jandree Hessen alumno di School Rufo Wever y yiu di un di e pilarnan di Brassband cu ta John Hessen, Urvin Dank- er alumno di percussion na FDEC, Remigio "Jaws" Ras- mijn percussionista freelancer y hopi aña di experiencia den brassband, Clyde Burke drummer y cu hopi experien- cia den Brassband, Eddy Ras cu ta areglista, Trompetista y Trombonista actualmente cu Robert & su Solo Banda Show, Reynaldo Suarez cu ta Areglista y Trompetista pa Claudius & O.R.E.O. y maestro na FDEC, Tarzan Jimenez Areglista y Trompe- tista di Claudius y O.R.E.O y Robert Dumfries cu ta areg- lista, Guitarrista y Tromboni- sta actualmente pa Claudius y O.R.E.O. Boso mes por mira

cu e workshop nan aki ta mu- siconan Crème de Crème lo ta presente pa asina duna e muchanan un curso ariba Brassband ariba un nivel hopi halto. Ta spera pa tur mayor- nan hiba e muchanan na e cursonan aki y edad minimo ta cuminsa na 10 aña bay ariba. Entrada ta completa- mente Gratis. Anthony T.C Vrolijk lo ta yegando Aruba dia 18 di Januari y dia 20 di Januari lo tin un rueda di Prensa na YMCA Dakota pa duna mas informacion ariba e workshopnan aki lo bira algo grandi. Si mayornan duna di nan banda nos lo haya e fruta aki par di aña caminda e nos lo por mira Aruba bek atrobe cu mas di 10 Brassband y tambe un generacion di supla cu Aruba lo por ta orguyoso di dje. Pa mas informacion por yama Franklin Giel tambe na 5937710 of Alvin Giel na 6002202. Por ultimo Frank- lin Giel kier a manda un pa- labra di danki hopi grandi na Unoca cu a haci e tayerman aki un realidad y na tur otro comerciante cu a yuda den un forma of otro. □

